



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 52. Papa bellum gerit in Apulia.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

quiescente Pontifice, finita est causa Mon-
 tis Cassini, cui Signoretus Abbatiali Di-
 gnitate fulgens annis novem & dimidio
 præfuit. Sæcul. XII.
A.C. 1127.

§. LII.

Papa bellum gerit in Apulia.

Guilielmo Apuliæ & Calabriae Duce,
 eodem anno millesimo centesimo
 vigesimo septimo, vigesima octava Julii,
 nulla relicta prole fatis functo, Rogerius
 Siciliae Comes, ejus patruus, quem hæ-
 redem scripserat, Salernum venit, ubi ab
 omnibus Princeps & Dominus salutatus,
 & ab Alfano Episcopo Capuano unctus
 est. Tum Regium divertit, ibique Dux
 Apuliæ proclamatur, reversusque in Si-
 ciliam, ex eo tempore Ducem se in omni-
 bus Decretis inscripsit. Legatione quo-
 que ad Honorium Papam cum muneri-
 bus adornata rogavit, ut hunc sibi Titu-
 lum indulgeret, pollicitus, si Papa con-
 sentiret, se duas urbes Trojam & Montem
 Fusculi prope Beneventum positas ejus
 ditioni adjecturum esse. Recusavit vero
 oblata Pontifex, ea re offensus, quod
 Rogerius quidquam aliud antiquius ha-
 buisset, quam a Romano Pontifice Inve-
 stituram petere. At contra Rogerius,
 indignatus se repelli, Vasallos suos agros
 Beneventanos depopulari jussit. Cui ut
 se se opponeret Pontifex, eodem anno
 trige-

*Baron, 1127.
 ex Chro. Ro.
 Salern &
 Chro. Benev.*

Sæcul. XII. trigesima Decembris Capuam profectus
 A.C. 1127. Robertum Principem consecravit, atque
 coram populo ad hunc solemnem Ritum
 congregato orationem habuit, comme-
 morans, quanta mala Comes Rogerius
 urbi Beneventanæ intulisset, & affirmans,
 nunquam fore, ut ejus promissis fidem
 adhiberet, sed quoad viveret, eidem
 omnibus viribus adversaturus esset.
 Hunc in finem populi præsentis opem
 postulabat, quam omnes, obortis lacry-
 mis, & inprimis novus Princeps Rober-
 tus promiserunt. Papa vero cunctis,
 qui accepta pœnitentia in hac expeditio-
 ne occumberent, remissionem omnium
 peccatorum suorum, illis autem, qui so-
 spites e bello reverterentur, mediam In-
 dulgentiæ partem concessit. Quæ gra-
 tia omnibus miram ad militandum ala-
 critatem indidit.

Anno sequente, Rogerius Dux vali-
 do cinctus exercitu Apuliam intravit, &
 contra Papa cum Roberto Principe Ca-
 puano, pluribusque aliis illius Regionis
 Optimatibus, illuc movit, Rogerium de-
 pulsurus. At ille artis militaris peritifi-
 simus copiam pugnandi non fecit, in lo-
 cis natura munitissimis, quo ingruere ho-
 stis non poterat, subsistens, donec Ponti-
 ficis exercitus, fastidiens in castris frustra
 degere, tandem deficiente comineatu di-
 lapsus est. Itaque Papa amicorum opẽ
 desti-

destitutum se intelligens Beneventum re- Sæcul. XII.
 diit. Secutus est recedentem Rogerius, A. C. 1127.
 missisque Legatis pacis fœdera pepigit,
 homagium præstitit, atque investituram
 Ducatus Apuliæ tradito vexillo accepit.
 Hæc pacta in octava die Assumptionis
 Beatæ Virginis vigesima secunda Augu-
 sti anno millesimo centesimo vigesimo
 octavo inita sunt.

§. LIII.

Carolus Bonus, Comes Flandriæ.

Anno superiore Carolus Bonus, Comes
 Flandriæ, a subditis suis occisus, ex
 amore Justitiæ Martyrii palma donatus
 credebatur ab omnibus. Carolus filius Sup. lib.
 erat S. Canuti Regis Daniæ, anno mille- LXIII. §.
 simo octogesimo septimo interfecti, & 37.
 Martyrum numero accensi. Matrem ve- vit. ap. Boll.
 ro habuit Adela, Roberti Frisonis Co- 2. Mart. to.
 mitis Flandriæ filiam. Juvenis in Ter- 6. p. 164.
 ram Sanctam peregrinatus, contra Infide-
 les insigni fortitudinis laude militavit.
 Postquam ad Principatum in Flandria
 pervenit, stabilita potentia, Præsules
 omnesque viros Ecclesiasticos magno ho-
 nore prosecutus, eorum admonitiones
 æquo animo ferebat. Ecclesiis pensiones
 ab Antecessoribus exactas remisit. Pro
 tribunali sedens Clericorum causas præ-
 ceteris mature pertractabat, ut celerius
 ad vacandum Divinis Officiis dimitti
Hist. Eccles. Tom. XVI. Qq pos.